

沈乃文 主編

明別集叢刊 第四輯

第十四冊

黃山書社





國家出版基金項目
NATIONAL PUBLICATION FOUNDATION

『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第四輯

第十四冊

黃山書社



(明)費尚伊 撰

市隱園集三十卷附錄一卷

民國二十二年沔陽盧氏
慎始基齋刻沔陽叢書本

市隱園集序

河文獻國也自余所睹見立言不朽則童庶子陳廷尉最著庶子中興漢官威儀未盡還舊觀廷尉武庫兵仗不無利鈍費國聘觀察繼兩公起師承自正讀中秘書大肆力於文章又坎壈宦途里居三十餘年博聞強記千古之上六合之外靡不勤思馳騁而市隱園集流布人間矣廣庶子之規模約廷尉之汜濫四言詩典則溫純有三百篇風範五言古本漢魏以迄六朝七言古俊逸沈雄五七言律高華嚴整三唐之調輻湊並進文自兩京而下唐宋四大家具體撮勝其才無所不至其氣無所不達而其法無所不入夫詩文所貴者法耳卽才氣全涌紀律稍疏不得升作者堂馬班之詩李杜之文或軼而不傳或傳而不習豈才氣不足哉法不與歸焉耳

市隱園集序

頃者詩文家人人建標樹幟而蔑棄古法以爲善用兵雖驅市人亦無衡敵安事節制於是俚俗之談譚諧之語連篇累牘自矜朽腐中有神奇實皆古人所吐豈不登俎掃除不欲染者也吾楚二三君子弔詭遊戲後進墮其雲霧中始猶惑愚不肖已乃賢智亦爲之始猶病在詩已乃病在文大雅之士以吾楚作俑爲詬病彼其才氣可以凌厲古今憚於法之拘檢而苟就卑調非不能也不爲耳禮曰不學操縵不能安弦不學博依不能安詩學者何法是也又曰良冶之子必學爲裘良工之子必學爲箕因其法而曲暢旁通之者也國聘操縵博依積有歲年箕裘精良不規規弓冶而自合運才以沈思養氣以和衷使古人之法不爲好事所淆亂令後世知楚材自有真也則吾楚山川式靈之矣余嘗爲國聘壽稱其

詩文合於道家精氣神之旨今爲集序特本原於用法皮相目論者知我罪我聽之而已大泌山人李維楨本寧父

市隱園集序

市隱園集目錄

- | | |
|------|-----------|
| 卷一 | 古樂府 |
| 卷二 | 四言古 |
| 卷三 | 五言古 |
| 卷四 | 五言古 |
| 卷五 | 五言律詩 |
| 卷六 | 五言律詩 |
| 卷七 | 五言律詩 |
| 卷八 | 五言排律 |
| 卷九 | 七言古 |
| 卷十 | 七言律詩 |
| 卷十一 | 七言律詩 |
| 卷十二 | 七言律詩 |
| 卷十三 | 七言律詩 七言排律 |
| 卷十四 | 五言絕句 六言詩 |
| 卷十五 | 七言絕句 |
| 卷十六 | 碑文 |
| 卷十七 | 碑文 墓誌銘 |
| 卷十八 | 墓誌銘 墓表 墓碣 |
| 卷十九 | 序 |
| 卷二十 | 序 |
| 卷二十一 | 序 |
| 卷二十二 | 序 |
| 卷二十三 | 序 傳 |

市隱園集目錄

卷二十四 記

卷二十五 行狀 祭文

卷二十六 祭文 引 書事 跋 述 史論

卷二十七 贊 銘

卷二十八 書

卷二十九 書

卷三十 書

市隱園集目錄

右市隱園集三十卷明費國聘先生撰先生以妙年起家甲科雅望清才冠絕儕偶遭際承平踵童內方陳王叔雨先生後師友姻婭主賓唱酬文采風流光耀梓里當時賢俊如吳明卿李本寧鍾伯敬屠長卿輩篇什往還交相稱許賈生少年相如詞賦宜雍容翰苑周旋廟堂通避居里門謠詠自適歸田卅載豪飲狂吟放蕩湖山主盟江海其曠逸泊淡豈後人所能企及耶家兄木齋刻先生全集屬 勸讀展卷三復念世亂之日紛嗟言歸之未得覺先生之優游田園安居觴詠不啻桃源中人物恨不獲執鞭相隨俯仰今昔不禁百感之交縈矣癸亥重九里人盧弼識於都門寓廬

市隱園集卷一

古樂府

河陽費尚伊

費生日古樂府可無作也體自我創速肖謂何字而
剽之句而模之獨不日盜之屬乎近代作者無踰王
李然持議各異亦互有瑕瑜元美縱橫無所不可而
自運爲多于鱗沾沾學步抵掌叔敖恐亦未爲得也
余不嫻古文辭每讀樂府時一拈弄然亦自魏晉以
下寥寥數章其白雲黃澤等篇不敢率合傳會暇日
檢篋中藏凡得若干首寒蟬哀蛭去兩先生不翅霄
漢何論古人哉故曰古樂府可無作也可以無作而
作者聊以備一體云爾

市隱園集卷一

烏栖曲二首

林鳥一隻栖猶然將九子所恨同心人不得長如此
烏向白門棲妾在青樓臥露冷月初涼殘妝爲誰破

烏夜啼二首

郎來夜未央郎去天欲曙愁殺夜烏啼悔種城南樹
烏啼妾亦啼斷續聲相似啼痕曉未乾啼鳥已飛去

石城樂二首

石城樂無比下有莫愁村莫愁顏色好游客多銷魂
長帆鐵鹿子郎今向何去莫上小姑山是郎望鄉處

折楊柳四首

上馬折垂楊下馬折垂柳借問遠同人郎曾附書否
身爲紫游韁意作黃金勒提攜向君前莫使長相憶

君家孟門東妾住漳河北日夜柳枝黃殷勤記顏色
浩蕩隴頭雲險絕陽關路寄語一心人新人不如故

四時子夜歌四首

春風吹羅幃彷彿解衣帶起步後園花花開太無奈
歡來汲寒漿銀瓶墜井底綆短苦汲長終當爲情死
蟋蟀入我牀寒燈照我寢感此牀下聲惆悵燈前影
歡來尙無雲歡去雪盈尺夜寒欲就歡畏此履行迹

自君之出矣二首

自君之出矣錦衾夜空爛思君如蓮藕藕絲有時斷
自君之出矣井梧秋已隕思君如銅壺壺水有時盡

子夜歌四首

梧子晴時落桐花雨後疏郎來不相見佇立空躊躇

市隱園集卷一

歡來怯羅襦歡去慙銀燭誰念閨裏人中夜長幽獨

妾髮初覆肩郎年纔纔角贈郎芙蓉花莫待花零落
妾貌不長妍郎心不長好舊日楊柳花化作浮萍草

大隄曲二首

襄陽女兒嬌如花頭梳墮馬鬢堆鴉閑上大隄隄上立春風
一曲使人嗟

大隄女兒白如雪裝成桃李無顏色銅鞮一曲斷人腸陌上
行人行不得

莫愁曲三首

石城有女兒十五彈箏篴借問誰家女回言是莫愁
白馬黃金羈直向石城西莫愁不可見城上夜烏啼
漢水日東流如馬復如練行盡莫愁村莫愁不可見

白紵舞歌二首

華燈錯落夜未央吹笙擊鐸琴瑟張美人膏沐炫新裝嬌歌
妙舞被羅裳裴回宛轉升中堂滿堂觀者如堵牆纖腰利履
垂明璫答杳逗節時低昂迴風舞雪汗流香揮空貼地影亦
藏游絲飛花白日麗駕鸞鶴翔且翔須臾激楚聲清揚餘
音嫋嫋徐繞梁蜘蛛四顧超洞房逡巡不拜奉羽觴勸君爲
樂樂莫荒

蛾眉二八色傾城含顰歛笑如有情若爲楚歌我楚舞燈燭
高張絲管清文桂被體麗且潔錦帶颺空縱復橫宛如驚鴻
逗極浦矯若游龍騰太清全垂楊葉腰肢嬾半墜桃花骨態
輕舒徐一應嚴鼓節低昂每逐繁絃聲徐整玉釵超曲席更
歌金縷向前楹喉中鼓吹嬌鶯語舌底笙簧小鳳鳴簪遺履

墮恣心賞斗轉星回待目成願將寶炬千金夜共結青松百
歲盟

善哉行

來日無多齒焦髮皤今日相樂式語且歌鳴鐘考鼓琴張瑟
和左姬右姜有酒如沱我酒既盈我顏既酡聊以卒歲遑知
其他南山有松北山有蘿千霄蔽日紛尋斧柯玉棺不下冲
舉云何仲之所得孰與季多

長歌行

仙人騎玄鶴長耳碧方瞳羽化自何代顏色驕如童竭來朝
帝所邀我游鴻濛授我一丸藥五色垂煙虹人世悲局隘大
道無終窮寄言牖下客白首徒龍鍾

短歌行

青天易老白日易闌生不滿百憂來無端欲訪層城高不可
翔欲浮巨海深不可航何以寫憂唯有麴生一石亦醉五斗
解醒鳳凰在笄曾異雞鸞鴻飛冥冥弋者安慕

上留田

世態亦何不常父爲虎今兄爲狼弱者爲肉食者強俗之混
濁誰濫觴今爾無怨彼蒼世無獠獍誰貴鸞凰

飲馬長城窟

飲馬長城窟長城幾千里道苦馬蹄穿悲鳴弭其耳昔人昔
城邊中國無息肩今人但城守日夕愁風煙風煙日夕至太
白纏兵氣有詔下徵兵大發雲中騎雲中十萬戶十室九行
役不辭行役苦但愁死窮殯出門別少婦少婦莫長嗟生當
復相見死可嫁東家少婦前致辭慎勿憂此離君自事閭外

妾自守中閨努力在戎行方稱是健兒

豔歌行

明月何團團光采有時缺人生諸仇儼安得無離別別離何
復道所憂顏色老昔爲芙蓉花今爲野田草一雄復一雌誰
憐妾所私不愁冬夜永但恨春風遲春風日駘蕩妾在高樓
望落絮與遊絲飄飄定何向

明君吟

漢道本無外匈奴獨不臣一朝罷征戰冠蓋結和親不恥中
國弱但使單于賓行行辭眷屬遠去涉胡塵黃沙蔽白日塞
草無青春紅顏日彫換中道常悲辛黃猿爲我號班馬爲我
鳴琵琶多苦調蛾眉空誤人瓊裘豈不煖所戀祿與茵醢醢
豈不飽所貴鼎與珍昔爲谷中蘭今爲爨下薪嫁女與烏孫

不如賤且貧

煌煌京洛行

欲知帝京樂佳麗難重陳規模原大漢風俗自先秦華岳蓮
峯聳章臺柳幔新畫一蕭曹法網繆衛霍親王管房中樂銀
鞍陌上行將軍霸陵夕公子曲江春兒童知郭解賓客慕陳
遵巨室鯖爲餚高門蠟代薪墜馬梳爲髻盤龍刻作茵五侯
競舍宅七貴驚蹄輪獨有翟廷尉題門墨尙新

門有車馬客行

門有車馬客云從長安來整衣延客入置酒一徘徊借問長
安事使我心悲故夙昔同門友意氣何崔嵬紅顏不長好大
半埋蒿萊存者豈不貴老醜日相催騎虎鑿前轍求魚虞後
災以此復三歎願我齒亦衰盛年一以去良時不再來安得

市隱園集卷一

五

萬丈繩繫此西日頽繩亦不可繫戈亦不能迴不如與客醉
覆此黃金鼎

豔歌何嘗行

何嘗快獨無苦但當樹華旗建鳴鼓朝列六卿曹暮坐三公
府歸來魚鯨鱸鯉左擁吳姬右列趙女美人行觴歌且舞但
當在蓬萊宮闕快獨與仙人六博投壺乘鸞跨鶴遨遊清都
觸抵安足較花冉忽以老願言自鄭重夙昔與君綢繆交好
朝亦一相保暮亦一相保譬彼嚴霜之松與疾風之草各努
力無相忘以畢此生平之懷抱

結客少年場

長安少年身不賤腰帶雙鞬臂兩箭珊瑚之鞍瑪瑙鞭平明
走馬如飛電胡姬十五貌如花曲房清夜成高宴五侯七貴

醉相邀酒行以往杯無算大梁公子忽經過何物么麼重垂
聆丈夫肝膽偶相傾那用生平長識面事成依舊返都亭俠
骨雖香君不見聞道征兵大伐胡意氣猶堪一百戰短兵日
夜淬天霜七尺可捐頭可斷非關鹵莽取封侯恥令匈奴輕
大漢伐鼓吹鐃奏凱旋白馬紅顏誰不羨次子爲郎長子封
大婦娉婷小婦粲每將蠟炬代燃薪不惜金丸作飛彈笑殺
書生徹骨寒白首無成羞鐵硯

出自薊北門行

烽火照西京蕭蕭班馬鳴天子耀神威三軍下井陘受脤辭
楓陛吹笳發柳營男兒死邊塞命若鴻毛輕九攻出天上十
步無留行旣奪陰山壘遂抵單于城老上出送款左賢來請
盟一舉煙塵淨再舉沙漠清白骨積京觀丁壯皆返耕飛書

市隱園集卷一

六

報明主從此無佳兵

妾薄命

青銅磨爲鏡光彩有時滅結髮爲夫婦恩愛忽中絕憶妾嫁
君時妾髮初覆額步搖動青風流蘇吐明月昔爲春園花今
爲林下葉錦衾但虛張羅帶爲誰結東鄰屠沽兒黃金買少
妾持誓比青松將心照冰雪榮悴命不同悲歡理亦隔食苦
心但傷種萱情靡悅紅顏真誤人誰憐薄命妾

採蓮曲二首

採蓮復採蓮纖手蕩畫船腕與藕相似面與花爭妍湖光宜
美日女伴皆少年權歌發皓齒商聲悲遠天攀花旣灼灼弄
葉亦田田羅袂半沾濕縞帶隨風牽鱣鮪游我側鵝鵝戲我
前魚鳥各相匹感此心茫然紅顏不長好薄命私所憐蓮擘

心更苦藕折絲仍聯圓船向空濶壩里生寒煙

越溪女兒何妖冶湖上使船如使馬羅裙六幅垂兩端手摘荷花滿盈把風高浪泊湖水深沿流直向橫塘下載酒誰家白面郎迴船轉枕情不捨安得紅絲百丈長一片冰心爲君寫

行路難

行路難難且艱前驅九折之坂後阻七盤之山修蛇蟻蟻猛獸般般踏不得騁駭不得安悲來橫集愁至莫刪孔徘徊魯衛之際孟躑躅齊梁之間蘇卿遲回於易水伍員蒲伏於昭關白玉碎而謀臣挫志黃金盡而壯士無顏不若栖碧山而餐沆瀣何如坐綠水而弄潺湲三三之徑六六之灣解纜以往杖策而還許挂瓢而莫測巢洗耳而難攀行路難難且艱

市隱園集卷一

權歌行

桂櫂木蘭舟相將汗漫游汴泗黃河曲擊汰臨中流洪濤瀉赤岸好鳥翔芳洲哀絃將急管鼓權發輕謳清音寥以亮餘聲和且柔迴船向底柱置酒望嵩丘白魚不復躍黃龍不復游河清諒可俟延年萬歲秋

放歌行

鶴鶴巢深林局促聊自怡匹夫本狹隘安知達士規煌煌帝城裏冠蓋日追隨天標鳴鳳嶺地引濯龍池遭逢際明主嚮用及良時高冠切雲表長劍何陸離一言動軒陛萬乘爲轉移平明上金殿日暮下彤墀門迎趙氏客戶擁霍家兒朱紱撫瑤瑟綠酒繫青絲高歌動梁木列坐皆蛾眉榮華及九族紫綬紛纍纍借問道傍子磬折將何爲

怨歌行

人生不得意長恨復長吁李斯有何罪相秦忘其軀韓信功不細而不保頭顱屈原忠楚國胡爲葬江魚伍員以吳霸抉目城東隅忠臣死直諫義士履危途一言墮坑穽片語遭刑誅譬彼雲間鶴有時充庖厨如何明月壁青蠅相點污寄言行路客慎勿捋虎鬚

西夜烏曲

芙蓉爲褥繡爲枕翡翠屏空燈欲盡楊柳渡頭無風波郎今不來妾奈何江上殘花飛片片抵死思君君不見開簾見月重徘徊雙眉歛翠何時開

桃李不言花自好嚴霜欲下芙蓉老人生好醜幾迴看莫待

市隱園集卷一

憔悴君來攀

白頭吟

和如瑟與琴固如膠與漆本是一心人中道忽相失瘡瘁丁我躬拮据撫而室婉婉侍衾裯殷勤奉巾櫛色衰改愛憎寵易遭廢黜感獸思故羣顧鳥憶舊匹殘暑怨秋風嚴寒迫冬日揮盥却秦女微蘭進燕姑其新雖孔嘉往者當永畢

前溪歌四首

逍遙獨桑頭盡日溪水綠中有赤鯉魚云是雙比目出門望前溪溪邊有歧路履跡各參差若箇郎行處聞說前溪好前溪是妾家郎今何處去相望碧桃花黃瓜被山側野葛生山陂瓜殘蒂猶苦葛傷根不移

關山曲

莫聽關山曲曲苦腸斷絕人度鴈門霜馬踏陽關雪生不到
龍庭死誰探虎穴漢家天子事窮征要使飛書過虜城親啟
元戎三百乘橫行都護五千兵疏勒河全凍皋蘭草盡枯失
羣壕上鴈戢影幕中烏獵火燒羌遠烽煙入漢孤兵老防奔
北糧空望轉輸雪寒晴卧鼓月滿夜吹蘆劍澁思塗鷗裘穿
憶綴狐辛苦四校尉倔強五單于不滅匈奴不用家寧辭軀
命殞黃沙葡萄酒帝苑杯中酒驃騎天山雪裏花書生何事空
饒舌一矢功成漫自誇

蜀道難二首

魚鳧無坦道灘頭少安流更入啼猿峽令人易白頭
銅梁既險絕劍閣復崔嵬錦城雖云好不如蚤歸來

升天行

市隱園集卷一

九

弱冠履華晏起草漢明光補袞箴帝闕抗論肅王綱豺狼爭
歛跡羔鴈日成行偶悟盛衰理拂衣還故鄉九飛鍊靈藥萬
里歷扶桑玄虬爲我引朱鳳爲我翔金童啟瑤籙玉女捧瓊
漿一飲體調暢再吸心清涼徘徊文昌殿登陟太微堂紛披
玩紫芝敷榮弄華芳闕庭既壯麗幢蓋何輝煌俯首視塵世
何翅雞鶩場

北風行

北風涼雨雪飛美人中夜弄鳴機寒衣手紉却寄誰思君不
見淚交頤紅顏一擲難再得春花灼灼秋無色神飄搖心反
側恨難填思何極

齊謳行

繁絃且無奏急管且無催聽我齊謳曲四坐頗爲開青州古

封域河濟相襟淵山靈標泰岱海氣接蓬萊最勝有遺事決
泆真大哉尙父始賜履川陸盛貨財魚鹽積闔閭絲枲盈
機臨淄十萬戶人無飯與饑季葉執牛耳文物日昭回桓公
五伯首管子天下才攘夷杜狂僭扶周匡積衰國大勢難耦
兵強敵每摧荒哉牛山泣哀至不能裁逡巡迨末造禍由陳
氏胎誰言至魯易緣木竟爲災

野田黃雀行

丈夫嬰世故誰能免憂患國士死知已得生良不羨不見野
田雀羅網張四面哀哉毛羽摧將以充穀膳少年懷熱腸啾
啾良可戀扶羅放雀飛微軀免糜爛銜環下報君世翥青雲
翰

團扇郎六首

市隱園集卷一

一

裁蒲亦裁練製爲白團扇寄與一心人一心分兩面
裁練復裁蒲團團明月孤請郎試披拂看有嬋娟無
皎皎白素紉寄郎作便面莫學畫眉人誤以鞭款段
團扇剪寄郎持以比郎面郎雖不傳粉郎面似團扇
班姬辭帝輦冷落悲紉扇郎莫學秋風使妾徒縫綰
團扇物雖薄出入郎袖中迴環在郎手動搖生春風

鳳笙曲

美人清夜啟朱唇一聲兩聲如有情宛轉參差小鳳鳴小鳳
鳴秦臺上動輕謳發清響

江南弄

江南女兒口脂香攀花比貌情自傷過時不嫁心傍徨心傍
徨步蜘蛛鳳簫冷鸞鏡孤

採菱曲

明妝麗服垂兩璫
蘭橈畫舫過橫塘
採菱一曲斷人腸
斷人腸有所思
懷憶郎郎不知

遊女曲

南園二月草初青
一年一度遊芳春
輕煙薄霧愁殺人
愁殺人看殺汚弓鞋
濕羅襪

空城雀

空城有微雀一雌還一雄
啾啾哺其子時啄蟻與蟲
鴟鵂肆毒害巢破雛亦空
毛羽並摧折漂搖風雨中文鴛戲楚澤
紫燕巢吳宮託身苟不善悲鳴徒忡忡
誓將訴上帝廣設置與量豐隆齒利劍
后昇鸞良弓惡鳥盡誅絕羽族咸離離

驅車上東門行

市隱園集卷一

十一

驅車臨廣陌出自上東門
路旁有荒塚云是昔公卿生前據
樞要今爲陳死人翁仲沒秋草石馬埋荆榛
寒原走狐兔苦竹啼鵲與人命匪金石
幾人得長生服藥徒自誤空餐芝與苓
生無一日樂死圖千載名陵谷遞遷變
白骨多於林刻石縱不朽或爲雷火焚
不如飲美醞陶然終此身七賢皆曠達
吾師籍與伶

孤兒行

孤兒生何零丁遭家不造多苦辛
父母在時乘輕車駕華轂父母奄逝
兄嫂畜我如僕逐我外戶曾不飽餐粥
那敢相抵觸髮亂不櫛面垢不沐大兄
方許罵大嫂輒魚肉上高堂但思父與
母下堂但啼哭兄令負薪嫂令春粟掘
地熏鼠登山斫木臘月嚴寒麻衣葛履
使我抱甕行汲水轆轤不轉水泉

涸手足皸瘃凍欲死日將夕矣孤兒旋口噤目張委頓不能言情脉脉淚漣漣兒生在世不如下卽黃泉仲夏改火鑠石流金灌園種韭腰鑊斫薪沙蟲螫腹猛虎噬人薪旣不可得蔬亦不敷榮兄與嫂怒且責歸當見驅迫亂曰市人一何誦誦我欲持書下報父與母兄嫂不相憐

楚妃歎

維楚跨南服江漢何湯湯鸞熊基大業數傳至莊王後官多美麗樊姬冠妃嬪君王侈收獵古訓垂禽荒腥羶有何好而以充品嘗殷勤圖脩子有寵不專房十年進九女螽斯爲繁昌叔敖秉內政楚國日以張賢姬主推轂股肱得賢良閨門萬化始坤厚乃無彊紂亡自妃已周興由邑姜君聽楚妃曲女史留餘芳

市隱園集卷一

十二

輕薄行

長安輕薄子意氣亦何驕高樓臨廣陌服食美且饒塵尾白玉柄寶馬黃金鑣手提盧龍劍腰橫明月刀廝養皆通籍兒童盡珥貂朝迎許史彥暮集金張豪前堂列鐘鼓後室吹笙簫美醞酌大斗珍肴出中庖寶鼎蒸沉水列炬燒蘭膏美人曳利屣伶僂唱雲璈檀口吐麗曲舞袖貼纖腰鰓魚躍曲沼玄鶴降層霄墨子不得去展季慮見招簪珥悉墮落徒御皆誼諷行樂殊未已平明出東郊雕弓白羽箭豹冠秦複襦奮臂鼓餘勇一發落雙鵬醉入酒家胡調笑董嬌嬈衛尉不敢問行人懼相遭但恐司隸至不敢久魚焦

鳴鴈行

高鴻結陣鳴離離朝發彭蠡夕渚宮呼羣夜宿蘆花月那知

贈繳施其中孤影南飛渡湘水分行折侶心忡忡爲君憔悴
君不知錦衾角枕亦何爲

古別離

遠與君別離乃在盧龍北寒冰結交河匹馬歷荒磧別君是
何年明月幾圓缺庭樹生秋風柴門深雨雪人命非金石紅
顏久銷歇歲月日以長衷懷日以結霜砧搗寒衣泣盡繼以
血

雜曲

紅顏二八嬌且柔生長深閨不解愁官中舊起鴛鴦殿雲裏
新開翡翠樓高樓洞閣連雲起千嬌百態情無已身如蛺蝶
舞春風面比芙蓉照秋水舞袖歌喉總可憐羅幃繡幕花長
妍龍梭織錦天邊宿繡襦凌波水上仙春月春花經幾度漸

市隱園集卷一

十三

覺新恩不如故妝臺寂寞掩流塵深宮冷落悲紉素畫角城
邊秋夜涼流螢暗度燭無光悄攜舊日合歡被來就珊瑚七
尺牀

同聲歌

邂逅逢佳會燕爾充後房自慚非麗質得奉君子光婦人無
外事中饋職所當黽勉共紡織殷勤治酒漿願爲雙飛燕遊
羽棲華堂願爲兩文鳥接翅戲芳塘黃金飾桂闕白玉鑲虹
梁流蘇八寶帳薰籠百合香金樽裁爲履霧縠剪爲裳香囊
繫肘後明珠綴耳傍白日沒崦嵫銀燭錯成行錦衾襯華褥
角枕垂明璫荷君能拂拭沒齒那能忘

名都篇

名都多妓麗京路盛吸游千金買匕首百金製衣裘關難過

繡陌走馬越長楸後隊喧聲鐸前軍置罝罟原獸咸股慄百
計恣擒蒐韓盧未及走蒼鷹已脫鞴強弩射彪虎利刃殲羣
牛馳驅未終日其獲如山丘觀者咸辟易意氣聞且道歸來
宴平樂羅列皆公侯仙杯瀉美醞御庖出珍羞長筵列廣坐
呼侶仍命儔巧捷信無匹行樂復何求白日忽西馳光景不
可留雲收而雨散勿荒竟誰尤

當壚曲

胡姬年十五嫵婉自當壚紅顏映初日素手擎玉壺白馬誰
家子投鞭就我沽一盞浮琥珀三杯勝屠蘇沉湎不知止頓
覺心膽粗殷勤喚小字贈我雙明珠感此綢繆意酬君繡羅
襦君若不識妾請問秦羅敷

美女篇

市隱園集卷一

十四

采桑復采桑提筐還提筐中有絕世姿定是誰家女素腕約
金鐲巧笑發皓齒三爵製爲釵五絲織爲屨橫簪刻玳瑁羅
纓飾翠羽步搖生春風霞衣若輕舉行者皆歎息居者快一
觀借問女何居乃在城南墜高樓大道傍繡閣連朱戶井上
雙梧相睡起調鸚鵡媒氏何所營佳人在環堵豈無玉帛將
衷情難遽吐明珠匿重淵至寶幽塵土感年處房帷空使淚
如雨

愛妾換馬

幾年金屋寵一旦事他人不念蛾眉舊徒憐驂駟新別時雙
淚重牽入四蹄輕明日章臺畔空飛陌上塵

嚴鉏行

嚴鉏處汗漬翻笑神龍蟄猛虎落坑穽獼猴誇辟易世事諒

多端達人貴特立駕言登高山培塿如拱揖卑卑市井兒勢
利多熏習投足濃豔場紛然似蠅集大者說侯王小者干郡
邑神鰲冠五山螭蟻纔戴笠處小而願大福亦行且及

前緩聲歌

今日何邂逅羣仙會層城長風吹廣漠嵯峨垂慶雲靈旗樹
縹緲羽蓋何縱橫後房奏寶瑟前路吹瓊笙洪厓酌巨斗大
容歌廣庭游龍戲碧漢紫鳳紛相迎獻酬既已畢天路快遐
征停驂駐玄圃息旅憩瑤京千秋與萬歲持此祝休明

晨風行

鳴機理機河之洲休徒息侶如有愁自君出矣音微絕天長
地闊空悠悠願言晤子子不來中心熒熒疑且猜黃花落盡
江楓老幾度思君幾度哀殘燈照妾妾孤單錦衾涼薄怯春

市隱園集卷一

十五

寒願逐晨風將我去歲歲花開比合歡

東飛伯勞歌

東飛伯勞西飛鳥誰將織女會黃姑邯鄲女兒貌如花施朱
點翠鬢堆鴉錦帳羅幃只自眠南窗北牖搖春煙臨妝攬鏡
惜蛾眉不嫁人家輕薄兒豈惹開時花滿枝最是含情獨立
時

昔昔鹽

桃李三春暮沙場萬里遙妾留停鄢杜君去向臨洮錦字間
中織紅顏暗裏周漫拂盤龍鏡空吹引鳳簫悔看花並蒂羞
覩燕同巢雨雪含情遠風煙入望勞鳴雞愁啜啜歸馬憶蕭
蕭化石心應苦霜衣恨轉饒青知雙鬢改翠覺兩眉銷轉戰
還過代長驅復度遼北書長斷絕孤負可憐宵

長相思

晨有車馬客造次款我門問客何方至行李自河源良人仕
西涼久宦無還轍與客幸密邇相與或寒溫煩君寄尺書爲
我達塞垣薄倖俗皆賤糟糠義所敦乘軒豈不貴使妾如觸
藩晨興驚唳鶴入夜愁啼猿折柳空悵望種萱增憂煩生爲
遠離別死當爲游魂欲知眼中血但看書上痕

董嬌嬈

洛陽三月春桃李偕敷榮一花對一葉綽約如有情東風忽
駘蕩淪落奔與坑容華不長好時往事亦更媿娉董家女體
質淑且清芳年當二八檀口吹瑤笙高樓連洞閣廣袖垂羅
纓千金買一笑願聆能傾城一朝顏色改零落同花英昔爲
蘭與蕙今爲蕭與蘅自恨蛾眉老空憐小鳳鳴從此巫山路

市隱園集卷一

十六

何人與目成

遠遊篇

九州勢促隘誓將遠行遊遠遊何所至海外復九州神鰲戴
巨嶽方丈接罽罽瑤宮及貝闕仙館若雲浮王母宴瑤島宰
割龍與鯁王喬在我側韓終居上頭湘娥拊琴瑟秦女彈箏
篥明霞映丹嶠玉樹生道周行矣訪東父冷然過不周崑崙
原我宅偃佺原我儔桃花千萬歲層城十二樓延年而駐世
彭殤安足侔

杞梁妻

齊人與莒甲杞梁死軍中其君欲郊弔家有五畝官雖烏不
再匹夫死將誰從驚心泣白日洒淚號長風精誠貫蒼昊十
日崩崇墉行人爲酸鼻國俗化愚庸夫旣死國難妻從一以

終至今猶水上烈氣垂霓虹

秦王捲衣

秦帝起阿房其下建龍旗嬋娟多麗質舉止盛威儀箇中有
少女當夕恒捲衣熏籠燃百合複帳垂明璣君王同卧起行
樂何光輝良時不再得恒恐恩眷稀但願如膏雨長使百草
腓

關雎篇

行樂何所抵近出關雎坊輕煙棲弱柳曉日吐清光羣雄尙
戢翼高冠已激昂須臾嘴爪接瞋目俱奮張芥羽雨不下金
距各相當勝者賈餘勇負者慚扶傷有如楚與漢短兵薄榮
陽百勝固難恃屢北亦何妨願君思妙理紛紛百戲場

白馬篇

白馬紫游繯插羽度龍荒寄言千金子作戒勿垂堂
蒼嶺三香雪榆關九月霜嚴寒爪指墮凜凜肌膚傷裏糧經北代捲
甲趨西涼匈奴苟不滅帝城安可望紫塞初收虜金城蚤破
羌兵氣銷青海邊烽靜白狼歸來報明主繁弱掛扶桑

苦熱行

赤雲亘千里毒霧非一區湯池接炎海烈焰生火珠溪洞霑
且濕道路迴復迂惡木難息蔭蚊蠓羣嗜膚沙蟲射人影髯
蛇殘人軀飛鳥尙戢羽行人如茹荼爲國寧惜死辭家豈向
隅短兵方直下勁卒亦旁趨履險等平地驚死出危途文身
化冠冕椎結甘天誅鏡歌出嶺左露布傳上都歸來數軍實
功當比渡溫

春江行

郎載木蘭舟妾恨桃花水花飛別舊條郎行離故里

江皋曲

飛花無遠近芳草自芊眠水邊穿舴艋牆裏出歌謳

映水曲

鬢學浮雲染眉同新月妝幾迴臨水照驚起野鴛鴦

登樓曲

何限登樓意桃枝與柳枝芳年容易擲棄妾欲何爲

舞媚娘二首

原草青初合隄楊綠正齊壚頭春酒熟門外紫騮嘶綠鬟梳
曉霧繡襪踏香泥何時卓氏女嫁作馬卿妻
盈盈樓上女軋軋弄鳴機忽感遊春思開奩理故衣香風飄
翠帶旭日照明璣羞過鴛鴦渚無人伴妾歸

合歡詩一

禽有比翼鳥木有連理枝同聲自相應同氣不相欺我情與
子親譬如形影隨食同玉田禾飲共金屈厄暑搖合歡扇寒
着同功綿子趁我亦步子寢我亦眠鴛鴦織爲被交頸無差
池菡萏製爲褥並蒂無猜疑兩形合一形兩心聯一心投分
比膠漆義斷無堅金生爲同室好死結同穴盟秦氏有至言
我情無變更

棗下何纂纂

西有安期生食棗大如瓜移根植靈苑枝葉相交加離離結
朱實纂纂垂素花重是仙人植愛惜冠羣花一朝榮瘁異零
落同枯槎恩寵有時歇君勿披朝華

君子有所思行

命駕遊宛鄧回轡向京洛赫赫漢經營煌煌周制作九重壯
皇居三途連廣漠天地既適中風雨亦無惡波停捧劍人浦
起迎仙閣吹臺引鳳凰華觀翔鳩鵲山同二室堆池擬洪河
鑿遠宇間層軒蘭臺通繡幕淑貌喜同升紅顏欣有託比竹
奏清音長筵飛羽爵月爲盛滿虧花以繁華落伐性豈無斧
腐腸或有藥寄言肉食者無笑藜藿

駕出北郭門行

駕出北郭門荒塚何累累白骨相枕藉慘惻心傷悲哀者
誰子顧見道傍兒親母蚤見背後母苦相持痛癢無與告旦
夕苦鞭笞三冬體無煖終年櫛不施肌肉盡銷鑠有如枯樹
皮嚴父老且耄塞耳如不知偶行荒野中衰草沒殘碑居人
相告語云是我先慈死者不可作淚下空漣漣母不悉見苦

市隱園集卷一

九

見苦當訴誰投淚見後母易敢云吾私

夜夜曲

北斗夜闌干零露濃於雨秋螢四壁啼啾啾如人語孤枕不
成眠夜半弄寒杼嗟嗟曙雞號海日光已吐含淚理殘妝鏡
鸞爲誰舞

寒夜怨

愁夜蛩驚夜鴻象牀寂寞錦帳空孤燈半滅倚熏籠路隔巫
山幾萬重日苦短夜苦長來無織去無梁思君如絳燭血淚
動成行

獨處愁

美人怨搖落獨處自多愁望窮千里目淚盡五更頭自君征
馬去魂夢繞邊州不識邊州路遙聽隴水流

羽林郎

少年盛裝束知是羽林郎弱冠典宿衛天子備非常腰懸白
羽箭手握綠沈槍錦帶珊瑚飾寶劍黃金裝出入射熊館馳
騁關雞場朝廷養死士裘馬多輝光胡姬年十五等美齊姬
妾當壚理妙曲羽調何清揚感君留顧盼贈妾明月璫投贈
雖不薄夫婿安可忘丈夫秉家政女子重夫綱萬蘿與松栢
貴賤務相當多謝治遊子莫作野鴛鴦

飛龍篇

晨遊泰山巔暮飲蓬萊側道逢兩童子數腴好顏色芝草茁
瑤壇白鹿無銜勒大藥不易求長跪冀有得粲然發玉齒曾
不棄涼德引我登金堂授我以服食凡骨一朝蛻等閒生羽
翼冷然御風歸行當周八極

市隱園集卷一

三

閨闈篇

閨闈壯皇居峩峩象天闕甘泉勤禱祀承明盛振謁新詩和
栢梁高掌餐瑤屑羽騎日驂驛烽火夜明滅王母宴祈年東
方就臣列太乙設靈壇海上無停轍但使大藥成黃金賤如
鐵

獨不見

曉日吐扶桑涼風吹水殿芳草綠芊芊落花紅片片寂寞恨
羊車冷落聽虬箭一自閉長門含情獨不見

蘇小小歌

妾本錢塘女嫁作倡家婦郎乘犢車來會妾西陵口與妾結
同心飲妾合歡酒妾有紫香囊縫製出妾手殷勤持贈郎出
入繫郎肘恩愛兩不移黽勉同白首莫以西施妍而奔無鹽